

Haciendo husticia na pasado:

Rectificacion herencia di “nombernan di catibo”

Skirbi pa: Miranda Gielen & Ruben Ritsema



SIGUIENDO e disculpa di Hulanda pa rol Hulandes den e historia di sclavitud na aña 2022, y subsecuentemente e disculpa di Rey riba prome di juli 2023, ta posibel pa temporalmente, cuminsando prome di juli 2024, cambia fam (number di famia, “geslachtsnaam”) relaciona cu sclavitud sin gasto na Hulanda Europeo.

Despues di e abolicion di sclavitud na aña 1863 hendenan libera no tabata permiti pa scoge nan propio nomber: esaki tabata asigna pa nan shon. Descendientenan di e hendenan libera ainda ta carga e nombernan aki, un recuerdo duradero di e pasado di sclavitud colonial. E amienda di ‘besluit geslachtsnaamwijziging’ ta hacie temporalmente mas facil pa cambia e nomber fam.

E aplicante mester declara unicamenta cu e ta un descendiente directo di un hende esclavista. Ademá, no tin gasto mara na e cambio di nomber den e prome cinco añanan di e areglo aki danki na e suma reserva pa e reglamento di € 14,9 miyon di ‘slavernijverledenfonds’.

Ta e intencion cu e cambio di fam lo conta tambe pa Boneiro, Sint Eustatius y Saba (e islanan BES), pasobra e islanan aki ta forma parti di Hulanda (municipionan special). Sinembargo, e cambio aki lo dreña na vigor mas laat (ta spera januari 2025). Pa Aruba, Corsou y Sint Maarten no tin ningun plan ainda pa añadi e base adicional pa cambio di fam na e reglamentonan local.

Como cu no tin proposicionnan di cambio pa añadi e motibo adicional aki pa cambio di nomber pa descendientenan di hendenan esclavista na Aruba, Corsou of Sint Maarten, e cambio lo crea relacion straño entre e miembronan di e famianan bibando na e diferente paisnan dentro di Reino.

Hopi famia di hende esclavista ta biba na diferente pais den Reino y den Caribe, resultado directo di e comercio di catibo of di movilidad creciente den e mundo moderno. Diferencia den ley di nomber den Reino tampoco no ta cuadra cu e obhetivo di Statuto di Reino, cu ta considera Reino como un solo hurisdiccion.

Na interes di igualdad y husticia den di henter Reino, e

reglamento nobo mester por ta aplicabel pa tur ciudadano di Reino, incluyendo Aruba, Corsou y Sint Maarten.

Pasobra e historia di sclavitud ta un pasado comparti di tur pais den Reino, e autornan ta haci un yamada na gobiernonan di Aruba, Corsou y Sint Maarten pa pone e mesun cambionan gratuitamente na disposicion di nan residentenan. Ademá, e autornan kier mira cu e cambio di fam pa e descendientenan di e hendenan esclavista ta keda disponibel gratuitamente pa mas cu cinco aña.

Aparte di esey, nan ta referi na e obligacion di e cuerpo gubernamental pa duna esnan concerni mas informacion tocante e gastonan adicional y directementa relaciona cu e cambio di fam.

Pasobra esakinan no ta reimbolsabel, manera e gastonan relaciona cu ahustamento di documento di identidad y otro documento oficial.

